

Transkription von Stadtbucheintrag DAN 1455b

Ort, Datierung: Danzig, 1455-11-25

Signatur: Stadtarchiv Danzig, 300, 43/2, 2r

Inhalt: Pilgrym Berudes: Aufkündigung der Bürgerschaft nach Rechtsfall

[Anfang fehlt, da die vorhergehende Seite ausgerissen ist]

also gaff got bynnen veer daghen eynen schone(n) oesten wint vnd se gyn-/gen to segelvnd sin ovel to landen gekome(n) vnd de schepe de hee lossen sol-/den Alse moldenower hung(er) wynt [?] Brochagen zedebeen [?] Rosendael ffry-/hoff Bartusch heyne yacke Ludeke Bertram desse moten yn de pekel / blyuen vnd de van Amsterda(m)me togen vor den heren van Burgundyen / vnd hebben Breue van merke gekregen dat se vns mogen holden an liiff vnd / gut vnd vorkopen van bouen dael also verne alse ere Su(m)ma tosecht Jn / holland vnd zeland wor se dat gud weten dat to danczike to hus horet also / dat wij hir nicht wol ane sint dat weet got v(m)me Juwe gud toheholden ¹ / vnd vnse zele mede tobevaren Also loue vnde hebbe wij to hope gesproken / hane van Angern vnd ik also dat gy vns alle juwe gud onerdingen [?] alse / vnse eygen pper [?] gud vnd Juw nicht tohoret Vnd ok van der selleschop / mote gy vns ok ouerdragen vnd quit schelden wente wij moten sware / eyde don solde gy Juwe gud beholden vnd sole wy vnse zele bewaren vnd / gy mote(n) myne borgerschopp moten vpseggen to danczik vnd ik late eyne(n) /Borger breff van harderwick komen Aldus so mote wij juwer [?] gud bescher-/men vnd vnse zele bewaren hir enrastet nicht mede beide dach vnde nacht / gy hebben dit bestellet mit juwen Breuen dat wij de hir kregen mit den [?] / ersten by hans vnd ik wente ik wil hir blyuen beth ik tydinge van Juw / werden hebben wente de van Amsterdam werden hir hie yn desse welke kome(n) / mit Breuen van merke also dat ik nicht van hir trecke er ik wil zeen / wor dat henne wil wente se sint darna vte dat se vns vnser shippe willen / quit maken vnd vnse gud de stat van middelborch de en kan vns dat ge-/leyde nicht holden Jtem leue pade hinrick gude vrund gy hebben hir noch vele / gudes vnd dat enduchte nicht gedan dat wy dat gud also ouergeuen dat / it yn ere hande queme Also leue pade wil ik alle Dusse gud mit hulpe hans / van Angern vnd(er) vns beiden wol vordegedingen vor alle de van Amster-/dame de hir kome(n)werden dar ene Wynelt [?] ok nicht ane went alse gy don / alse ik Juw hir vn dessem Breue geschr(euen) hebbe de hir vmme is vnd segget / ok myne borgerschopp vpp also fro alse gy desse tydinge krygen wente ik / neme eynen borger Breff van harderwijck dar wil ik Juw(er) gud vnd my(n) / gud vnd myn part schepes mede vordegedingen vnd wen gy myne borger-/schopp vpsegget dat doet also heymelik also gy konen vnd latet by Juw /blyuen wes gy darvmme don Jk segge myne borgerschoppvpp Jm datum / desses Breues darv(m)me so wil ik my dar na richten dat ik gheen borger dar mer en byn vnd ik moet ok mynen eyd dar vpp don vnd darv(m)me so segge ik / se iuw vpp vnd wil my darvmme bewaren vnd myne zele vnd schrybet vns / eyn kort antwort mit den ersten hans van Angern hefft it [...] geschreue(n) / ouer drie weken Jk hope dat gy de breue gekregen hebben wente de Stad / hadde vns geleydet vnd achte weken touoren totoseggen da wij solden varen / vnd keren vnd vnse gud vnd vnse schepe wech to furen mit lyue vnd mit gude / wor wij wesen wolden alle dat geleyde vnd daqt se vns togesecht hebben se / louent vns nicht toholden myn here van Burgundyen synd nogenheid geit [?] / bouen syne Breue vnd bouen vnse priuilegye dar weten se vns mede to / antworten gode derbarmet dat vnse Coppeman dwalen [?] mot mer later / nicht gy maken dir klar mit den er sich vmd eyn kort antwort Nicht mer et(cetera) /

Beswchr(euen) to middelborch vpp sunte katharinen dach anno lv

Pilgrym Berudes

¹Verschreibung: *to**b**eholden*